

三石吐奇

董廷欽

鞭石神皇暮不收
偏畱海角砥中流
雲移月影三溪動
風送濤聲萬壑幽
仙去尚疑浮磬立
客來還喜渡杯遊
爲予重掃星芒落
片片晶光錯斗牛

鴻亭點翠

董廷欽

平江合沓俯靈秋
鴻去亭空水自流
一壑松風呼過鶴
三灘沙色惹浮鷗
坐凌壁翠長裾溼
步入盤渦短屐愁
細洗碑苔今已蝕
何人更續衮

本謳

龍逕還珠

董廷欽

龍江一曲遠營隈
水滿堤羅逕逕開
七十二溪分復合
八千萬里去還來
川鯨暫借珠簾洞
海蜃頻嘘碧玉臺
谷口桃源如有路
漁郎誤入幾時回

靈潭沛雨

董廷欽

古潭靈物總難名
浴日騰雲萬象驚
空谷若藏神女國
深郊如傍海王城
會來野漲衝平陸
驟

結陰濛濛太清但得鈞調霖雨順不須漁毒耗羣生

元嶽凌雲
董廷欽

蘇湖堤畔吐璫臺梵闕當年一鏡開細幔繽紛扶上帝金輿縹緲度如來煙浮五嶽雲爲壑氣結三垣象是台步入元宮霄漢近不妨公暇日徘徊

靈山八景

羅陽山跡

絕巘長迎旭日光
仙人曾此曝霓裳
花陰拂石無塵到
惟有薜蘿掛夕陽

石六錦屏

翠色層層遶壁峯
堆霞燦錦護花封
相連直上巫山半
却勝巫山十二重

西橋環秀

水曲灘高一曲深
平橋橫卧蘸波心
迴回秀浪渾如玉
不許塵埃半點侵

北嶺松琴

蒼葢當年撫秀琴依稀太古奏韶音一從罷却
南山調餘韻鏗然可再尋

綠蘆煙雨

插漢巒峯景轉賒峯頭微雨淡烟遮憑高一笑
乾坤老蘆荻蒼蒼石徑斜

三海風雲

三海巖深幽壑天巖前飛鶴幾翩颺清風滿洞
仙何在借爾雲根一醉眠

烏江玉帶

一灣江綠抱山城浪接長天一色清玉潤珠輝
還作帶靈陽千古仗波平

三
石井香泉

塊石中涵萬象春涵城寒碧淨無塵等閑一掬
清香味洗得黎元個個新

靈山十景

龜峯旭日

右峯列錦識元工鳳藪麟郊瑞氣通千古靈陽
稱盛邑海雲捧日上城東

鶴嶺秋雲

騎鶴仙人去未還
空遺鶴嶺在人間
欲憑雙展探奇勝
賦就秋風意自閑

天堂鐘鼓

盤雲絕巘並天堂
八景玲瓏曙色光
石鼓地中時一叩
恍然身世纜仙航

海屋煙霞

滄海桑田轉幾圓
煙霞疊疊鎖雲關
瀛仙植遍長生草
何問當年採蚌還

松琴叶奏

琴堂遙向北松叢調奏南薰納午風一鶴閑庭
塵不到冷冷天籟透簾櫳

寶鏡流輝

一輪遙鏡玉峯寒四照秋空萬頃寬應是天工
憐瘴域清光磨就謫仙看

龍潭霖雨

靈潭曲曲蟄虫宮洗徹蠻煙瘴土風天造地藏
應不偶蹇予慚負作霖功

仙石陽春

當年仙子下蓬萊
片石殘棋掃綠苔
我亦愛奇凌絕巘
獨餘朝旭射峯隈

文峯繡石

天工鋤盡六峯雲
塊石分明五色紋
海國地靈人固傑
慙勤抱璞獻明君

砥柱洪濤

戍樓角鼓傍山城
赤水奔湍玉練明
吹浪長鯨驚鬣破
炎陬此日罷戈兵

土風

張國經

每旬常作數朝風
遶郭岡無百仞崇
估客淞閩江左右
編塵蛋竈古搖獐
竹房茆舍衙齋外
翡翠明珠海色中
青草黃茅惟說鬼
平原衍沃任蒿蓬

鄉捷

靈氣不緣濱海斷
賢書今報一雄飛
歇來雲路周餘甲
步却前修復建旗
拔地誰云孤島勢
連茹定有彙征機
文翁化俗吾何有
幸際時明願